

U' VINU 'I CANA E DU GIUVEDI' SANTU

Nto menzu di na festa nuziali
unni c'erunu Gesù e Maria,
ci fu nu certu murmurjiu.

“Figghjiu, chiddu chi sentu diri,
ristaru, sti povireddi, senza vinu :
vidi tu, pi' iddi, chi' poi fari.”

“Matri, picchè mi dici sti cosi,
'a me' ura è ancora da viniri.”

Maria, matri ricca d'amuri,
nci dici e' servi senza esitari :
“Fati chiddu ca u' Maestru vi dici.”

Gesù, di no diri non po', a' so matri,
picchè è tuttu carni d'idda,
puru s'è figghjiu di l'Eternu Patri.

“Jinchjiti d’acqua ddi tri giari”
dissi u’ Signuri e’ servituri,
“e ora pigghjiatini quantu ‘nni vuliti.”

Ma comu dissi u’ mastro di criati,
girannusi scuntrusu e’ spusini
“Prima si dugna u’ vinu bonu,
e quannu poi finisci, chiddu scarsu.
Com’è chi facistuvu o’ ruversu?”

Chistu ‘i ‘llacqua cancjata a’ vinu
era u’ primu miraculu di Cristu,
e u’ fici pi’ accuntintari ‘a so’ matruzza,
ma poi ‘nni fici unu assai cchjiù finu,
quannu u’ giovedì santu, ‘nta cena,
cambiau u’ vinu ‘nto so’ sangu divinu.

G. M.